

烈祖成績

安積覺編次

卷二

伊5
742
2



伊予門
號 742
卷 2



烈祖成績卷之二 起永祿六年
終十二年

前神... 安積覺 編次

永祿六年癸亥春。織田信長與神祖約。以女妻世子竹千代。

年譜家忠日記
記松榮紀事 五月。神祖放鷹郊外。抵深溝城。城主松平伊忠

饗之。神祖賜蒼鷹於伊忠曰。長澤與敵境相接。最為要害之

地。武田信玄屢所覬覦。守彼城者。無過于汝。為吾往守之。伊

忠拜命之辱。六月。移于長澤城守之。信玄不能出兵。神祖賜

書褒之。增采邑。家忠日記。鷲峯文集
本光寺碑。松榮紀事 七月。神祖為攻吉田城。

築寨於小阪井牛窪。親按行之。城主小原資良出兵陣于小

阪井。渡邊守綱蜂屋半之丞揮槍力戰。松山宮內放鳥銃攻

烈祖成績卷之二

之守綱被創。我兵疲頓。平巖親吉率兵來援。敵兵敗走入城。
年譜創業記家忠 參河有淨土真宗寺三。曰佐崎上宮寺。曰

針崎勝鬘寺。

勝鬘諸書皆作正滿。今訂之。下倣之。四年神祖與信長講和。憩于正滿寺。蓋其地在尾州。

而與此自 異。故不改。曰野寺本證寺。無知士庶。崇奉其法。根據盤結。時

神祖築寨佐崎。頗乏糧食。九月。酒井正親使菅沼藤十郎定

顯。後稱越

借糧於上宮寺。住持僧不應其求。發言無禮。定顯

怒。奪糧而還。僧徒憤恚。會一宗僧於上宮寺。環甲提兵。入定

顯家。取糧還寺。定顯訴于正親。神祖聞之。怒。命正親捕首惡

僧斬之。僧徒益憤。十月。諭國中檀越。聚兵甲。誘潛通于今川

氏真者作亂。譜第之士。多其門徒。皆黨之。

○歸依一向宗僧者。俗謂之門徒。

徒書牌授之。曰。進足往生極樂世界。退足墮落無間地獄。由

是其志彌堅。吉良義諦以東條叛。荒川賴持不顧姻親。而黨

於義諦。松平家次與賴持比。以櫻井叛。松平七郎親光。故岡崎城

主左衛門尉昌安子 以大草叛。酒井忠賀素有叛心。以為得時。據上野

城。誘烏居四郎左衛門芝山。小兵衛定好。本多彌八郎正信

等十餘人叛。正信佐渡。俊正子。後稱 蜂屋半之丞。久世平四

郎長宣。平大夫。廣長第二子。○德川記又書久世三四郎。據

諸士傳略三四郎。廣宣長宣子。此時尚幼。德川記誤 矣。算正重。渡邊八郎五郎義綱。清兵衛有 渡邊源五左衛門

高綱。二郎四郎 其子守綱等八十餘人。據勝鬘寺。大津半左

衛門犬塚甚左衛門等。及吉良近邑僑人。據本證寺。大田善

大夫吉正

正或作政

矢田作十郎戶田三郎右衛門忠次等十餘

忠次左近政光之孫莊左衛門光忠子

據上宮寺土呂寺亦其宗門大橋傳

十郎佐馳甚兵衛等七十餘人據寺作亂無慮數百人宗族

勲舊悉黨邪徒寇賊蟻聚糜爛鼎沸土呂針崎在岡崎南距

岡崎甚近野寺佐崎櫻井距岡崎一里餘上野城在其西北

上和田去岡崎可半里及賊出兵必遞舉烽神祖每見烽起

即馳救諸城賊見其來懾伏入寺酒井正親守西尾城與野

寺及荒川賴持兵戰酒井忠次築寨塞上野賊往來之路松

平伊忠守深溝城

按先是伊忠移在長澤蓋聞亂還守本城也

本多廣孝守土井

城與土呂針崎賊戰松平清善

德川記作玄蕃允家清松榮紀事作玄蕃允清宗按家

清清善孫清宗清善子也今從家忠日記

守竹谷城松平紀伊守家忠

紀伊守家忠廣子初稱

又七郎

守形原城松平信一守藤井城松平左馬助親俊

松平親俊

事作右京亮據福釜松平系圖右京亮親俊父親次也德川記作右京亮康親康親親俊子也亦稱右京亮福釜系圖親

俊下載擊野寺針崎之賊戰功今據之定為左馬助親俊守福釜城與野寺櫻井賊戰石

川家成其姪數正本多忠真其姪忠勝植村家政植村正勝

內藤彌次右衛門家長及弟三左衛門信成

家長彌次右衛門清長子信成

實島田久右衛門子清長之甥清長子養之後稱豐前守鳥居忠吉松井忠次天野康景

柴田七九郎康忠

諸士傳略曰康忠善射每戰射敵得名故鑄其姓名於箭上射之數百敵歎其藝

拾所射矢六十三隻書死傷者姓名送于我軍神祖褒之賜諱字使書六十三字於旗幟改稱七九郎表六十三之數也

按傳略載家傳之說如此然平巖親吉寬重忠八國府甚六

林藤助等一百餘人。○按家忠日記德川記德川歷代松榮紀事等書詳載諸寺叛徒及在岡崎效

忠諸士姓名今不一舉之在岡崎志操益堅日與賊兵戰大久保忠勝

與其族三十六人築堡上和田與土呂針崎之賊戰松平三

藏○松榮紀事松平作松井按此時無松井三藏者本書十年定兩旗頭條西參河有松平三藏今據之訂之德川

歷代內藤系圖有松平三藏三左衛門忠倫之弟也此時黨于賊據大草城亂平流寓肥後更稱左助與此自異築

寨禦佐崎賊小栗大六與其宗族守筒針寨數與賊戰土呂

針崎雖與岡崎相近上和田堡在其中間故賊不能侵岡崎

家忠日記松榮紀事並云大久保忠俊築堡上和田德川歷代曰忠勝居宅在上和田一說為忠俊居宅非也今從之

每賊至忠勝鳴海螺神祖聞之亦馳救之賊懼而退三河物語代

記德川記先是成瀬藤藏正義藤左衛門正賴子正賴與林藤助八國府甚六等合謀納廣忠公於

岡崎城六人之也與僚友忿爭擊殺之懼罪逃于遠州至是聞亂擊

妻子來歸岡崎請赦其罪神祖嘉其志宥之正義每戰挺群

成瀬系圖夏日二郎左衛門吉信九郎左衛門吉久子大津半左衛門乙部

八兵衛據野羽故壘黨于賊鈔掠邑里○按上文大津半左衛門據本證寺蓋其

後黨于夏日吉信據野羽故壘也松平伊忠雖屢攻之有利而敵兵固守不

屈八兵衛竊納款導伊忠兵入城故城兵不得拒半左衛門

僅脫入針崎伊忠急攻之吉信窘迫匿倉庫就獲之伊忠馳

使岡崎上陷野羽故壘擒城將夏日吉信之狀神祖報曰吉

信參州豪士也伊忠不日而拔壘擒將其功偉矣初八兵衛

與吉信交睦故黨之至是謂伊忠曰吾知野羽故壘難守為

請吉信命歸降。願生之。伊忠感其志。請釋吉信及八兵衛。神祖聽之。賜二人於伊忠。家忠日記、德川歷代、松榮紀事本多廣孝所守土井城。介于敵境。爭戰累日。又攻東條城。有功。神祖賜書褒之。廣孝以非淨土真宗。無黨敵之嫌。然當是時。非其宗門者。亦乘間伺釁。多為寇讎。故廣孝差長子彦二郎於岡崎。輸其無貳。神祖嘉之。賜名彦二郎曰康重。松榮紀事、康重襲稱豐後守戶田忠次黨賊在野寺。○諸書上文並云、戶田忠次據上宮寺、蓋此神祖遣使諭曰、汝非彼宗門。盍蚤歸順。忠次即放火野寺外郭而來岡崎。告神祖曰。臣知野寺之形勢。願發兵擊之。臣請為先登。神祖使酒井忠次與戶田忠次襲野寺。賊聞之。改修城門。

使我兵錯誤。戶田忠次不之覺。夜抵城門。欲導吾兵。迷不得入。酒井忠次怒欲歸。戶田忠次更導之。入自後門。攻破第一柵。進攻第二柵。城兵知戶田忠次之聲。發銃中其首鎧。忠次仆。酒井忠次引兵而還。戶田忠次亦不至死。神祖褒之。賜短刀。家忠日記、松榮紀事松平信一與土呂針崎賊鬪。烏銃中左股而仆。敵大訶自誇。信一忽起叱曰。汝何為哉。我豈為汝容易死耶。敵懼而退。神祖歎其勇敢。藤井松平家譜、鷲峰文集、藤井家紀功碑、松榮紀事石川家成筒井與右衛門。雖為其宗門。不與僧徒。盡忠力戰。故其宗族亦皆悛志屬麾下。松榮紀事水野藤十郎忠重。右衛門大夫忠政第六子、後更稱總兵衛。與兄信元不睦。避居鷺塚。聞亂起。與水野太郎作為和泉守

村越又四郎來岡崎。謁神祖。勵戰功。家忠日記。松榮紀事。高力清長采

地高力邑。與土呂相接。賊寇其邑。清長歸擊之。其餘杉浦勝

吉。倉橋宗三郎。青山藤八郎。本多信俊。加藤勘右衛門正次。

渥美太郎兵衛友勝。大岡忠右衛門忠勝。○松榮紀事作忠

稱忠四郎。而忠勝稱忠右衛門。諸士傳略曰。忠勝與佐崎賊

關。斬福王忠右衛門。福王勇兵也。神祖褒之。蓋在此時也。今

據此。訂之。神原忠政。細井喜八郎。勝久等。各有戰功。○據諸士傳

略。勝久喜三郎。勝明第二子。今川氏真將。鶴殿長照。長持據參州上鄉城。

松平清善提兵攻之。○松平清善德川歷代作備後守清宗

生清宗。異父同母兄弟。而藤太郎其兄也。家忠日記曰。清善

與藤太郎為異父同母兄弟。按竹谷松平系圖與家忠日記

合。松榮紀事諸士傳迭有勝負。既而清善兵敗。神祖出師援

之。屯名取山。使甲賀謀者襲城。敵兵懼擾。乘虛急攻之。城兵

不能支。長照及弟藤助戰死。城遂陷。神祖戢兵還岡崎。家忠

德川歷代。松榮紀事。○按四年三月。松井忠次擒長照。及

弟藤三郎。而與世子易質。藤助即藤三郎乎。今無所考。是

秋。神祖更名家康。元康今川義元所命。今與氏真絕。故改焉。

三河物語。德川歷代。○按代代記。以更名為三年。德川記為

四年。三遠平均記。松榮紀事。為五年。春。德川歷代。為五年。冬。

今從年譜。創業記。德川家譜。家忠日記。十一月二十五日。針崎賊攻上和田堡。

大久保忠勝迎擊之。於小豆阪。○家忠日記。作厚木阪。德川

原木阪。年譜。三河物語。作小豆阪。按厚木小豆賊兵皆舊屬

麾下。精銳之士。神祖將兵援之。阿部忠政射中渡邊守綱之

腰。藤花甚五郎。川田彦十郎。喜藤八大夫。阪部又六。皆中忠

政之矢。渡邊源二郎射忠政。守綱拔矢揮槍。擬大久保與一郎。與一郎退入城中。植村家政與峰屋半之丞接戰。黑田半平幾危。大久保忠佐出救之。其餘競進。守綱半之丞引去。衆皆格鬪。水野忠重追半之丞。半之丞顧之笑。忠重請決。半之丞提槍而進。其勢甚猛。忠重躲避。半之丞呼曰。雅知汝非吾敵。豈足污吾刃乎。神祖躍馬逼之。半之丞仰見愕眙。俛首收槍而去。松平金助直前詬曰。汝盍反鬪。半之丞揚言曰。吾畏累世主君。豈畏汝乎。揮槍刺殺金助。將取首。神祖大叱之。半之丞恐怖而走。平巖親吉與寬正重接戰。正重射中親吉之耳。將仆。正重進欲擊之。神祖又叱之。正重亦懼而走。二十七

日。大久保忠勝之族屯于伊田邑。攻勝鬘寺之賊。本多正信

弟三彌正重。

○據本多系圖。正重自稱左衛門尉。

與大久保忠世互以烏銃相

爭。忠世先放。正重傷而退。戰鬪經日不輟。賊徒相與謀曰。戰于此地。終難得志。宜分兵爲二。一隊與大久保之族戰。一隊陣于妙國寺。邀上和田之歸路。及敵引去。前後夾擊。則彼陷泥淖。一夫不得脫。此必破之策也。議既定。蜂屋半之丞大久保忠俊之女壻也。憫其全軍覆沒。無故盤馬妙國寺邊。往而復反。忠勝悟其意。引兵還上和田。年譜。創業記。三河物語。家紀。松榮。是月。馬場小平太。石川新七郎。矢田作十郎。出上宮寺。與我兵戰于岡大平。天野康景擊隊長小平太殺之。敵兵

退走。先是本多廣孝松井忠次攻東條城。數與吉良義諦戰。破之。閏十二月。神祖賞廣孝忠次之功。各增食邑。賜忠次松平氏。家忠日記。松榮紀事。

七年甲子正月三日。神祖築砦佐崎。勦賊。賊燒作岡太平民屋。燒之水野信元。來自刈屋賀歲首。○按信元與神祖為舅甥。始以神祖與信長構。

兵故屢與神祖戰。三年信元弟信近為岡部長教所襲。戰死。信元移自緒川居刈屋。四年神祖與信長平。故今來。神祖見煙起。謝信元。馳向佐崎。信元不忍歸去。率麾下兵。至渡河地。
三河物語。松榮紀事。神祖欲使上和田兵禦針崎賊。以大久保彌

三郎忠正為鄉導。忠正三郎右衛門忠久。養子。實忠俊子。過盜木。直至小豆阪。賊歸。自作岡大平。覲面神祖。近藤新一郎放箭。中神祖。神

祖大怒。直衝賊軍。水野忠重斬隊長石川新七郎。水野太郎

作斬青見藤六郎。各獲首級。創業記。家忠日記。松榮紀事。青見或作大見。國音相通。○松榮

紀事曰。我兵佐馳甚五郎。與敵戰死。據家忠日記。德川歷代。甚五郎賊黨也。在上文。紀事誤矣。賊兵波切孫

七郎走。至大善阪。神祖親揮槍搥之二。孫七郎僅脫去。神祖

斂軍還岡崎。家忠日記。係去年十一月。今從年譜。創業記。松榮紀事。○德川歷

一日。土呂針崎野寺賊兵。合為一軍。攻上和田寨。大久保忠

勝之族。堅守拒之。忠勝忠世並被創。創業記。德川記。家忠日記。松榮紀事。○德川歷

代曰。一說作六年正月。誤。其說是也。然歷代自九月。菅沼定顯督糧。僧徒作亂。至十一月。小豆阪之戰。皆為五年事。然則一向一揆之亂。前後涉三年。而六年無戰陣。大久保淨玄所謂。去年以來。日日爭戰者。亦不合。其誤明矣。鷲峰文集。深溝本光寺碑。亦係五年。蓋承家傳之繆也。藤井松平紀功碑。係六年為是。土屋甚內筒井甚六等

十餘輩。馳戰郭外。城兵乘機出鬪。敵兵披靡。針崎賊見之。出勝鬘寺接戰。神祖聞之。單騎來救。唯宇都與五郎一人從焉。寬重忠內藤信成植村家政等三十八人。相踵而至。敵兵矢炮雨下。吾軍不顧死傷而戰。年譜附尾中根喜藏與渡邊守綱接槍被傷。喜藏捨槍拔刀。與守綱鬪。又傷。鶴殿八郎三郎康定擊傷守綱。○德川記家忠日記松榮紀事年譜附尾八郎三郎既死其子八郎三郎也一說為十郎三郎誤按松平系圖十郎三郎康孝稱鶴殿藏人信孝之弟天文中死信孝奪其邑故岡崎老臣逐信孝歷代之說是也今從之名康定據松平系圖守綱父高綱來救。守綱擊康定殺之。高綱直向神祖而前。內藤正成其甥也。謂儕輩曰。源五左衛門舅也。然今日之事。豈顧私親乎。彎弓射之。矢貫兩

股而仆。守綱負之去。神祖稱正成之忠勇。

○松榮紀事曰內藤四郎左衛門正

成射源五左衛門石川十郎左衛門執槍擬神祖正成又射之正成十郎左衛門之甥也年譜曰內藤正成射渡邊源五左衛門石川十郎左衛門二人殺之十郎左衛門正成之舅也蓋松榮紀事據此文也德川記家忠日記德川歷代年譜附尾皆書內藤甚一郎源五左衛門而無射十郎左衛門事諸書皆云甚一郎源五左衛門之甥也據寬永系圖四郎左衛門正成初稱甚一郎然則一人而非二事今從上諸書定為一事敵兵衝突不止。神祖甚危。賊兵土屋長吉重治謂其徒曰。吾以為門徒。敵于主君。今見其危。豈忍乘之乎。墮在地獄。固所欲也。挺身來降。倒鋒戰死於神祖馬前。神祖義之。日既暮。兩軍引去。神祖卸甲得鉛丸二。雖中鳥銃。甲堅不能穿。其危至此。神祖使石川家成覓土屋重治屍。得之。葬上和田。創業記家忠日記德川記松榮紀事年譜附尾二十五

日深溝九八郎青山虎之助。密啓神祖曰。臣等當入佐崎寺中燒其營。公勒兵攻寺。則必大捷矣。神祖聽之。二人夜潛入寺。賊覺之。擊殺二人。時人以為其志雖壯。無內應者。事故不成。家忠日記。松榮紀事。年譜附尾。二月。酒井正親發西尾城。至櫻井小川野寺。縱火燒聚落。出西野。乞援兵於水野信元。進至八面。攻野寺。賊出若拒戰。正親佯走。敵急追之。正親還戰破之。斬隊長馬場平大夫。鷲塚賊邀擊援軍。信元之兵擊破之。乘勝入寺門。斬隊長鈴木彌兵衛。告捷岡崎。上首級。神祖褒正親之功。德川記。松榮紀事。年譜附尾。十三日。神祖使石川又四郎根來十内布施孫左衛門等二十五騎。詢針崎形勢。有告之者。賊伏兵針崎。

外郭。及候騎過。伏起邀之。蜂屋半之丞寬正重渡邊守綱等。

督兵疾戰。十内戰死。又四郎孫左衛門被創而退。年譜。德川記。家忠日

紀事。松榮是月。佐崎賊三百餘人。以矢田作十郎為將。侵岡崎。

神祖將兵拒之。命銃卒曰。吾數為賊所窘。皆作十郎之所為也。彼恃拳勇。每為前驅。汝等注目擊之。作十郎果先眾而進。

卒放銃斃之。賊見其死。魂褫氣懾。不能復戰。抱其首而敗走。

年譜。創業記。德川記。松榮紀事。自作十郎死。賊徒凶燄日衰。皆悔前非。無復

鬪志。蜂屋半之丞察其幾。就大久保忠正。請赦其罪。家忠日記。德

川記。年譜附尾。及松榮紀事。一說。並云。吉田太左衛門雖非門徒。為本多正信正重所誘。與賊在土呂寺中。麾下士齋藤某其親友也。貽書太左衛門。勸歸正。曰。當使本多蜂屋謝罪。乞降。公必赦之。太左衛門然之。勸正信正重大久保忠勝以

為姻戚亦勸蜂屋半之丞使降半
 之丞從之就忠正請降附以備攻
 崎言于神祖曰方今群雄割據天下大亂大并小疆凌弱務
 欲辟土地恢疆圉而譜第舊臣不知君臣之義黨比亂賊半
 為寇讐當此時鄰敵乘弊來侵則邦必阽危不如釋其罪戾
 使之歸順神祖聽之忠正退而告半之丞即與其黨議又就
 忠正請曰儻蒙寬恕則有願三其一赦罪勿沒采邑其二僧
 徒住持本寺如故其三赦首惡者勿問神祖聞之曰所請可
 允但首惡者不可赦大久保淨玄流涕諫曰忠俊剃髮號淨
 玄諸書或作常源臣一門去年以來日日爭戰不惜捐軀或隕命或傷夷公
 念其忠義則願降沛宥以易臣之恩賞使歸順之士為前鋒

攻上野城勦吉良荒川而略西參河之地則疆場日廣而基
 業鞏固矣臣雖老備竊期公以遠大先是水野信元亦請赦
 賊徒故神祖從其諫親至上和田淨衆院○德川記作成就
 院今從三河物語松榮紀事授印章於僧徒悉釋之遣石川家成於土呂寺諭
 衆曰水野下野守懇祈赦宥故一從寬典解釋蕩滌賊徒大
 喜皆投干戈而降年譜創業記家忠日記德
 川記三河物語松榮紀事崎自高須口入勝鬘寺放火小閣賊徒咽煙狼狽家成又諭
 之賊皆歸順歡聲如雷○三河物語以入自高須口及放火
 為土呂寺今從德川記年譜附尾但德川記石川日向守
 家成作伯耆守誤乃赦松平家次之罪沒松平親光之食
 邑親光出奔賊魁鳥居四郎左衛門渡邊義綱渡邊源藏波

切孫七郎本多正信及弟正重亡去後皆被釋在麾下如故
德川記家忠日記松榮紀 神祖欲易土呂針崎佐崎野寺宗
事德川歷代年譜附尾 旨僧徒哀訴因逐凶惡僧置有學僧頒給糧食檀越大喜闔
 境寧謐德川記年譜附尾

臣按釋氏之教絕滅倫理廢圮君親然福田利益之說鼓
 盪人世皇朝崇之講經修法與朝儀同科故其徒驕傲多
 不法南都北嶺動至昇神輿以訴不平朝廷差兵捍禦之
 僧徒狃以為常鎧甲為衣械刀槊為經卷末流之弊遂至
 知有佛而不知有君父知有寺而不知有國衛蓋淨土真
 宗其法簡捷茹葷啖肉不異世俗矣愚夫庸流易惑其說

故譜第勲舊之士黨于破戒亡賴之僧而忘歷世覆燾之
 恩冠屨倒置緇素同歸四郊多壘烽燧告急悖逆之甚至
 此已極而神祖戎馬之劇亦未有過于斯時者設使駿甲
 二州之敵乘釁來侵則疆圉不守而邦必危矣幸而良臣
 獻策神祖容諫兇賊革面叛臣歸順當時射鈎斬祛之士
 皆為策勲底績之臣豈非神武大度之效哉土屋重治去
 逆效順奮不顧身效死於神祖之馬前復之六四曰中行
 獨復重治有焉繇是觀之天理之存於人心固不外假而
 赴赴武夫惜為邪說所汨而喪其本心也元龜中本願寺
 光佐據大阪城長島土寇相踵而起織田信長公攻之不

能克將校多斃。皆由武夫不知有聖人之道。篤信其教。牢不可破。而蹈藉水火。不顧死生。有甚於上之所令者。則釋教之為害。可勝言哉。

神祖將兵攻東條城。城主吉良義諦請降。神祖以其再叛不許。義諦出奔江州。依佐佐木承禎。六角左京大夫義賢彈正小弼定賴子。剃髮號承禎。其後戰死于攝州芥川。荒川賴持亦亡去。經歲病死。年譜創

河物語家忠日記。德川記。松榮紀事。○家忠日記曰。六年十月。松平龜千代家忠與松井左近忠次築若幡豆鄉。攻東條城。拔之。吉良義諦奔江州。賜東條城於家忠。按東條城陷。義諦出奔。實是在是年二月。蓋家忠出兵攻東條。故去年閏十二月。神祖褒松井忠次之功。增食邑。賜松平氏拔城賜城。皆諸書所不載。故不取。酒井忠賀失援。出奔駿府。神祖使水野三左衛門分長守上野城。分長右衛門大夫忠政孫。藤二

郎範方子。叙從五位下。任備後守。更彈正忠仕水戶威公。西參河悉平。德川記。年譜附尾

○松榮紀事曰。三月。神祖與今川氏真戰。按長澤城。使本多重次內藤信成守之。按六年正月。使松平伊忠守長澤城。其後不見陷沒。且諸書所不載。疑有四月。小笠原新九郎安元。丹波守高安子。後稱攝津守。諸書或

錯誤。故不取。初謁神祖。請屬麾下。神祖賞之。賜幡豆舊邑。家作。康元。今從小笠原系圖。五月。今川氏真部將小原資良收將士質。欲略參河。

將士皆屬神祖。不受其指麾。二連木城主戶田主殿助重貞。

彈正少弼。康元孫。丹波守某子。松榮紀事。重貞作伊忠。蓋以與松平主殿助同稱。誤。今從諸士傳略。築寨三所。

而納款。神祖使鶺殿八郎三郎守喜見寺寨。○按八郎三郎

戰死。針崎。蓋其子乎。本書名闕。無所取決。小笠原安元守糟塚寨。年譜。德川記。重

貞母為質。在吉田城。重貞謀欲出之。佯與資良款狎。數入城。

雙六重貞家士野野山某盛殺饌於匱使擔夫舁至城下撤蓋示門者曰主殿助為博賭設酒食欲以此時取母汚衣歸而澣濯請勿怪門者諾重貞與資良博而酣飲野野山某伺間納母於匱中蒙以衣物門者不之怪輒得過重貞騎士迎於中路護衛而還重貞告別資良纔出門縱火城下馳歸二連木城神祖以其有約出屯御油驛見煙起至下地邑重貞來謁神祖稱其謀略增加采邑資良連攻二連木城重貞戰死神祖嘉重貞之忠以弟甚平為嗣德川記家忠日記松榮稱彈正○按松榮紀事重貞戰死其父丹波守致仕猶存神祖命丹波守以甚平為嗣據諸士傳略丹波守即甚五郎而奪神祖於朝見阪者也三年五月二十一日死故今不取又按德川歷代以主殿助為丹波守康長考諸士傳略康長甚

平之子以五年生此時僅三歲歷代誤矣神祖發兵攻野田牛窪寨進逼吉田城本多忠勝時年十七與敵兵牧野宗二郎接槍是日第一槍○牧野宗二郎松榮紀事作城所助之丞或云蜂屋半之丞宗二郎今從年譜家忠日記三河物語德川記取為第二槍捨槍拔刀斬敵二人河井正德放鳥銃斃之從者走告其母母曰我子怯耶曰奮勇而死母曰死于戰場固士之常若我子怯懦為人所謗則雖生不如死今我無所憾矣時人稱之三河物語代代戶田吉兵衛氏光孫右衛門其母為質在吉田城氏光不之顧而力戰盡忠松榮紀事松平清宗苦戰被創加藤正次成瀨正義犬塚作内或獲首級或射殺敵兵各有功家忠日記松榮紀事然城兵悉力拒鬪我軍不利而還岡

崎德川記

臣按戶田氏光左門一西之父也。不顧其母而覬望功名。記者謂之盡忠。夫求忠臣必於孝子之門。果能忠乎哉。上既不能及徐庶。下亦媿戶田重貞多矣。

小原資良築寨於佐脇八幡。使三浦左馬助守之。○按五年九月赤阪

之捷。佐脇八幡皆屬岡崎。蓋其後資良鈔略。又得之也。又按德川記。板倉彈正板倉主水與左馬助同守。然彈正主水五年九月戰死。見上文。故不取。以為吉田牛窪二城之蕃屏。神祖使本多信

俊將兵六百守一宮寨。今川氏真將兵一萬餘以援吉田。分五千餘圍一宮。自將五千餘屯佐脇八幡。信俊乞援岡崎。神祖將三千餘兵救一宮。經佐脇八幡二邑間。至本能原。氏真

見其隊伍嚴整。畏縮不敢出兵。神祖直進至一宮。欲與氏真決戰。敵避其精銳。解圍退于牛窪。信俊出城尾擊。敵兵敗走。其夜神祖陣于一宮寨。遠州引間城主飯尾豐前。○諸書引

按八年十二月豐前降神祖。其後神祖改引間曰濱松。故今從舊稱。下效之。在氏真營。竊通款於

神祖。稱疾夜歸。引間及過新井白須賀。縱火燒驛舍。氏真大駭。年譜創業記。家忠日記。德川記。○松榮紀事曰。五年四月。豐前叛。氏真屬神祖。氏真怒。以新野左馬為將攻之。城兵戰敗。城陷。左馬亦戰死。按豐前以引間叛。實在今年。而五年四月之戰。諸書所不載。紀事誤。翊日神祖反

旃。又過氏真之營。其鋒甚銳。氏真竟不能戰。引兵而歸。世謂之一宮後詰。年譜創業記。三河物語。家忠日記。德川記。德川歷代按。三遠平均記。係十一年誤。○諸書稱是。役曰。一宮退。只今按在氏真則退兵也。在神祖則援軍也。稱謂不當。家忠日記書曰。後詰是也。今從之。六月神

祖將兵攻吉田城。酒井忠次為前鋒。小原資良雖堅守而孤立無援。勢日窮蹙。忠次使本多彥八郎忠次助太夫忠俊子議和親。

資良從之乞質。神祖許之。以異父弟松平康俊及酒井忠次女為質。忠次女後嫁松平外記伊昌資良大喜。携質還駿府。神祖賜吉田

城於忠次。判東參河事。年譜創業記家忠日記德川記松榮紀事○小原資良即肥前也年譜作

備前今川氏真使朝比奈肥後據田原城。○按田原城舊戶田氏所據也至主

殿助重貞為二連木城主。未知田原何時屬氏真也。神祖使本多廣孝築寨梶邑攻之。戶田忠次為敵所圍。幾危。戶田九右衛門勝則馳至射殺敵兵以救之。戶田七内光定亦射敵却之。廣孝進戰。攻破外郭。肥後力屈。致城而去。神祖賞廣孝之功。賜田原城。增加采邑。

○德川記年譜附尾並云田原城主戶田吉兵衛乞降致城神祖賜城廣孝據諸國城主記田原城明應年中戶田宗光

所築而子孫世居之戶田吉兵衛氏光別為一家先是已屬神祖且非田原城主二書誤矣今從家忠日記松榮紀事

是歲神祖將兵攻御油城。守將本書名闕使善射者乘高兩射。我兵不得進。神祖命内藤正成射。正成放三箭。其二箭入樓櫓。

鐫内藤四郎左衛門七字于箭。敵還其箭。請又放一箭。神祖

梶之曰。敵必有密謀。汝勿射。正成不從命。出隊將射。敵兵擁盾路側。將候其進。縱之。正成放箭穿盾。直洞其甲。殺之。城兵

大駭退走。神祖美其射藝。松榮紀事八年乙丑春。東參河將士知今川氏真不足。馭衆多屬神祖。牛窪城主牧野右馬允成定先降。西鄉清貞管沼定盈在野。

田白井某在下條。故長條作手段嶺之將士。就此三人相踵

降附。長條作手段嶺謂之山家三方。參河悉平。年譜家忠日記松榮紀事

○松榮紀事曰。設樂某繁妻子。先來謁岡崎神祖。嘉之。按設樂甚三郎。先是既屬神祖。在上文。故不取。三月。以

本多重次高力清長天野康景為奉行。聽訟決事。世稱參河

三奉行。德川記作七年誤。三遠平均記無本多重次。而有重

次彊毅好罵。時人稱鬼作左。清長和煦慈愛。人最易親。稱佛

高力。康景沈重多謀慮。不輒可否。稱左右無邊天野三兵。甲

軍鑑松榮紀事。○高力系圖曰。六年一向宗作亂。高力清長還高力邑討賊亂。平定法制。修補佛像經卷。故邑人稱曰佛

高力此又一說也。

臣按。鄭子產為政。猛以濟寬。鄭國善治。唐太宗置相。房玄

齡善謀。杜如晦能斷。訖能致貞觀之治。神祖得參河。始置

奉行。剛柔相濟。寬猛兼施。規模之大。可以推而及天下矣。

天野康景幼從神祖。往駿府。長而有斬獲之功。剛直明決。

觀於其去興國寺城。可知矣。豈依違兩可。無所操決。如五

代馮道者哉。神祖之用人。蓋有深意焉。

五月十九日。三好左京大夫義繼。修理大夫長慶第二子。松永右衛門

佐久通。彈正忠久秀子。殺大將軍源義輝於京師室町第。源氏系圖。京都將軍

家譜。十二月。今川氏真怒飯尾豐前。有貳名於駿府。殺之。豐前

家臣江馬安藝。江馬加賀。固守引間城。屬岡崎。神祖賜豐前

采邑。綏撫之。年譜。創業記。家忠日記。松榮紀事。是歲。賜戶田忠次采地於參

州大津邑。家忠日記神祖帥師攻寺部城野野山藤兵衛元政先

登城主鈴木日向守大敗棄城遁於其采邑家竝與其子監

物奔駿府屬氏真。家忠日記松榮紀事○按寺部城主鈴木

物奔駿府屬氏真。家忠日記松榮紀事○按寺部城主鈴木

也。天文中叛廣忠公降于松平内膳正清定。内膳信定子頻

年黨于浄土真宗之賊。又叛神祖。然赦其罪不問。忠賀兇惡

猶不悛。又據上野城叛。○年譜松榮紀事竝云將監去岡崎

賀出奔駿府。蓋自駿府潛來據上野也。二書疑有誤。年譜附

尾必神祖使忠賀棄所置駿府質子之語。為此時事。益誤。

神祖大怒。使忠次及本多廣孝攻之。内藤信成時十七歲。進

逼城門。斬敵兵阪部造酒丞。今井彦兵衛勝長射殺敵兵頗

多。阿部忠政大久保忠勝放矢奮戰。城兵皆謂與其與亂臣

永受汚名。孰若事寬大之君。以圖功名。相率而降。忠賀力殫

又奔駿府。創業記家忠日記

九年丙寅五月。牧野右馬允成定卒。其子康成嗣。襲稱右馬

允。其族出羽守某爭采邑。康成訴之於岡崎。其辭直。神祖賜

書及諱字康成。悉授舊邑。使水野信元逐出羽守。家忠日記

賜康成書。載在古簡雜纂。○按是時賜諱字名康成。則先是別有各名。然諸書無所考。十二月二十九日。

神祖叙從五位下。為參河守。年譜創業記公卿補任家忠日記

是以勅命復德川氏。按神祖未嘗改氏。或稱松平氏。曰復者誤。是歲。頒給戶田忠次之族兵

右衛門九右衛門與五右衛門等食邑。賞其軍功。家忠日記

松榮紀事

十年丁卯五月二十七日。織田信長使其宰佐久間信盛送

女於岡崎。妻於世子。年譜創業記信長譜家忠日記松榮紀事是月二連木城主

戶田彈正卒。其子虎千代尚幼。虎千代長而稱孫六任丹波守名康長神祖重

伯父重貞之功。以虎千代為嗣。授松平氏使其舅戶田傳十

郎代統士衆。賜他姓之人松平氏。是為其始。諸士傳略傳十郎虎千代母之

弟初小原資良小倉與助皆江州人而事今川義元。資良子

三浦右衛門美姿容。氏真嬖之。右衛門好蹋歌。勸氏真觀之。

氏真遂好之。舉國如狂。氏真奢侈忘武事。信讒喜佞。將士怨

嗟。先是與助子內藏助資久。援武州川越城有功。北條氏康

稱其勇敢。氏真賞之為十八人衆隊長。及飯尾豊前歸順。資

良病不能行。右衛門代將其兵。攻引間城。亦有功。氏真益寵

之。為小番衆隊長。資良在吉田城既久。父子誇其武功。義元

舊臣三浦朝比奈葛山齊藤福島等二十餘人。不能死於桶

峽之難。而逃歸駿府。皆羞之。杜門不出。故新進用事。政柄自

歸於資良父子及資久。舊臣嫉之。多懷攜貳。氏真外祖武田

陸奧守信虎。陸奧守信繩子為其子信玄所逐。在駿府。竊與舊臣謀

奪駿府。事露。氏真大怒。逐信虎。信虎奔京師。遣使甲州。使信

玄取駿府。信玄以為岡崎武威日盛。而駿府老將皆怨望。駿

遠二州必為岡崎之有。坐生大敵於肘腋。非計也。乃遣使駿

府。告欲援氏真以攻岡崎。氏真不悅。曰。彼豈援我乎。是欲伐

我也。我豈墮其術中耶。使復命。信玄聞之曰。彼必失國不久

矣。與其使他人得之。曷若我自得之。遂與氏真絕。遣山縣三

郎兵衛門昌景於岡崎。通好神祖。定遠州之界曰。大井河以

西屬岡崎。以東至駿河。我領之。神祖許之。家忠日記。三遠平均記。松榮紀事。

十一年戊辰正月十一日。神祖為左京大夫。創業記。公卿補任。家忠日記。松榮紀事。

榮紀二月八日。左馬頭源義榮。足利左馬頭義維子。義晴公姪。拜征夷大將

軍。足利系圖。將軍家譜。三月大澤左衛門佐基胤部將。基胤治部大尾輔基相子。

藤主膳。諸士傳略。作彦四郎。蓋初稱也。村山修理。松榮紀事。村山作山村曰。或作村山。今從年譜。附尾

藤井松平系圖。據遠州堀川城。神祖攻之。松平信一。榊原小平太康

政。七郎右衛門長政子。後任式部大輔。為上野館林城主。為前鋒。康政先登被創。諸士傳略。

大久保新十郎忠鄰。七郎右衛門忠世子。後為相摸守。年甫十六。斬敵得首

級。信一康政不顧死傷。竭力奮鬪。城遂陷。年譜。家忠日記。松榮紀事。神祖

班師。命山本帶刀成行。築見附城。成行相其地形。不宜築城。

故神祖改引間曰濱松。修築城郭。家忠日記。年譜。附尾。○林引馬。其東十餘町。有號濱松處。神祖改引馬曰濱松。故彼地

號舊濱松。引馬或作曳間。與引間國音相同。德川歷代曰神祖諱引間。改稱濱松。按引有引退之義。其或然也。歷是月。神

代又曰。帶刀甲州人。勘介弟。名賴重。今從松榮紀事。是月。神祖攻宇津山城。守將小原資良。

○按七年。資良去。吉田城還。駿府。蓋其後守宇津山城也。

知其難敵。棄城去。瘞消石於城中。及前隊入城。消火暴發。皆

大驚。然無死傷者。年譜。創業記。家忠日記。松榮紀事。四月。遠州二股城主二

股左衛門高敷之淺原某。頭陀寺之松下某等皆來降。○家忠日記。

烈胆哉。續 卷二 二十

野國音 久野三郎右衛門宗能。叛今川氏真屬麾下。家忠日記

紀事 八月。織田信長欲立源義昭為大將軍。義昭萬松院義晴第二子。光源院義輝弟。事詳京都将軍家譜。○按驚峰文集。藤井家紀。功碑係十年。蓋承家傳之繆也。信長譜係十一年為是。遣使

江州觀音寺城。說佐佐木承禎承禎不從。與其子右衛門佐義弼議守觀音寺城。分兵據箕作和田山等城。九月。信長發

岐阜攻之。乞援兵於岡崎。神祖使松平信一將兵二千餘援之。○淺井軍記。松平信一作小笠原與八郎。信長別將木下大繆與八郎氏儀始見下文。元龜元年。信長別將木下

藤吉郎秀吉。其父未詳。後稱羽柴筑前守。賜姓豐臣。至關白。從一位太政大臣。與信一攻箕作城。城堅不拔。信一先登急攻之。大呼曰。參州援兵松平勘

四郎信一為箕作城之先登。聲響遠近。將士盡聞之。三宅總右衛門康貞進擊。獲首級。城兵不能支。守將建部善八郎出走。城遂陷。信長稱信一之勇敢曰。汝可謂膽生毛者矣。脫所

著桐紋革胴服授之。年譜。信長譜。家忠日記。藤井家紀。功碑。吉信一。養子安房守也。○家忠日記。藤井家譜。並曰。信

一世以葵為紋。憚與神祖同。以酢漿草代之。自是以桐及酢漿草為紋。承禎義弼出觀音寺城。走保甲賀山。信長進兵。拔十八

城。迎義昭入京師。信一從行。信長下令禁軍士冠鈔。信一奴隸與織田上野介信包之卒。信包。信長公弟。任上野介。至從

髮號。得故烏帽。忿爭將鬪。美濃尾張之兵爭擐甲操兵圍信一之旅寓。喧噪不可禁。信一之兵將放銃矢禦之。京師繹騷。

信一戒部下。指麾有法。信長聞之大怒曰。我乞援岡崎而信

一立大功。汝等若殺參州一人。則我悉族滅汝輩。乃逮尾濃

之兵首事者。遣使篤謝信一。贈所齎烏銃一口。黃金四鎰。事

竣。信一還岡崎。家忠日記。松榮紀事。德川歷代。是月。大將軍義榮病卒。信長

納左馬頭源義昭於京師。十月十八日。義昭拜征夷大將軍。

將軍家譜。十二月。武田信玄將攻駿州。發甲州。神祖為經略遠州。

出屯大井河上。欲以管沼定盈及其臣今泉四郎兵衛延傳

為鄉導。取井伊谷。定盈曰。井伊谷為要害之地。同族二郎右

衛門忠久。近藤石見守康用。周防守忠用子。小字勘介。鈴木三郎大夫重

吉。平左衛門重長子。父子初屬今川義元。○按鈴木家譜。重吉作重時。松榮紀事作重路。今從鈴木重好傳。井伊

谷之豪也。召此三人。頒給采邑。則不戰而得井伊谷。此上策

也。神祖善之。進至井伊谷。賜印章采地及誓書。皆屬麾下。世

謂之井伊谷三人眾。神祖得遠州。其功居多。年譜。家忠日記。松榮紀事。

臣按。有為之主。經略四方者。必資州郡之豪傑。審其形勢。

然後得以拓疆狗地。恢其基業也。漢光武得耿弇以為北

道主人。發漁陽上谷之兵。乃能破王郎。勦赤眉。竟建中興

大業也。織田信長公得美濃三士。以為前驅。稻葉伊豫守。義通氏家常

陸介入道。卜全。安東伊賀守。世謂之美濃三人眾。乃能逐齊藤龍興。取膏腴之地。

得以殄滅淺井朝倉。而初建霸業也。神祖得井伊谷三士

以為鄉導。乃能徇遠江之地。據山河之固。得以扼甲斐之

咽喉數與武田信玄爭鋒。卒能斃勝賴而取駿河。立為根本之地也。繇是觀之。戡定禍亂。恢弘基業。必藉豪傑之士。而管沼定盈言聽計從。神祖竟得三士之力。君臣之際。可謂美矣。

信玄入駿州。屯由比側近松野。今川氏真出屯清見寺。以庵原安房為前鋒。據薩埵山將戰。氏真將瀨名朝比奈三浦葛山等。皆通款信玄。拔營歸駿府。安房兵寡不能戰。勸氏真歸駿府城。氏真不知諸將離叛。召議軍事。重臣朝比奈兵衛大夫先遁。其餘悉叛去。氏真不能守城。率二千餘人。寓于土岐山家。入懸川城。依朝比奈泰能。年譜家忠日記代記。至明三遠平均記。松榮紀事。

年春。泰能善存臣節。厚犒士卒。創業記。先是氏真使岡部二郎

右衛門正綱。美濃守常慶子。守駿府牙城。安部大藏元真守第二城。

○據諸士傳略。元真諏訪刑部信真子。攝津守信盛祖父也。姓滋野。與岡崎元老安倍大藏定吉稱同。而人異。安部安倍既易混淆。世人多以為一人。故悉之。信玄以利誘二人。正綱從之。元真不聽。然

勢孤不能守。與其子彌一郎信勝退守安部谷。信玄購伊川邑民。擊元真父子。元真戰敗。僅率妻孥。至濱松降。神祖遣兵援之。元真再經山路。至田代河內二邑。擊上寇。却之。神祖褒之。諸士傳略。信玄遣兵燒府城。屯久能山。氏真將二十餘人降信

玄。信玄徵質送甲府。氏真臣三浦與二郎。執岡崎之質松平康俊及酒井忠次女致之信玄。○德川歷代與二郎作與市義高云。執二質子。抵甲府獻。

之信玄按此時信玄屯久能山未歸甲府其說不足憑據今不取信玄大悅幽于甲府進兵

欲取駿州氏真將由比淺原齋藤等並名據伊久見山小原

資良其子三浦右衛門堅守花澤城拒之長谷川二郎右衛

門與其族二十一人據藤枝城故信玄不得輒入駿府右衛

門受氏真之寵義當生死以之在懸川城而以與城主朝比

奈泰能不相善故與氏真訣據花澤城忘公徇私時人譏之

家忠日記
松榮紀事

臣按自古儉邪小人誤人邦家必以奢靡逸樂蠱其君然

後已得行其所欲也三浦右衛門以龍陽之選逞柔曼之

態誇武事以蔑世臣藉君寵以握政柄讒諂壅蔽無所不

至其志不過窮奢極欲而培克漁奪駿遠二州之民股削

日甚今州氏真晏然以為得良佐彼所好我亦好之彼所

為我亦為之忘父讎而不能報將佐內叛而不能禁舅氏

來侵而不能禦及至流離狼狽遁於懸川城則右衛門以

有私嫌不從其行保花澤城為自全計割袖之恩果安在

哉投畀豺虎豺虎不食百姓報怨褫衣僂辱而舅氏不啻

無渭陽之情為封豕長蛇以肆其吞噬城郭灰燼社稷丘

墟賴神祖包荒之量氏真僅得免死而為寓公儉邪之覆

邦家吁可畏哉

神祖欲攻懸川城屯見付驛遣兵攻井伊谷拔之以管沼忠

久等為鄉導進攻刑部城又拔之使管沼又左衛門守之賞
管沼定盈之功賜書給食邑家忠日記是月今川氏真攻引

間城江馬安藝江馬加賀不能禦以妻子為質謝罪降氏真

加賀密告神祖曰氏真自戮飯尾豐前猜疑不輟急攻引間

故不得已乞降以紓一朝之難非敢懷貳願亮之神祖聽之

加賀告之安藝安藝以為賣我為己深憾之遂招加賀刺殺

之加賀從士小野田彦右衛門立殺安藝神祖屯遠州安間

頭陀寺彦右衛門馳价告之神祖入引間城賞其功年譜創

忠日記松榮紀事○德川記一本德川記抄德川歷代年譜

附尾並曰十年飯尾豐前被殺其妻守引間城神祖遣使諭

之曰致城則當給豐前舊邑不使家士流寓妻對曰妾雖為

婦女生於弓馬之家致城而去非其素懷十二月二十四日

神祖遣兵攻之不利翌日攻破外郭城兵死者二百餘人我

兵戰死三百餘人妻擲甲亂髮揮眉尖刃列侍女十七人於

左右開門而出縱橫突戰我兵披靡妻與侍女皆戰死神祖

惜之其事頗偉按豐前被殺實在八年而江馬安藝加賀自

八年至是年守引間城蓋豐前妻在城中遠州高天神城主

不從安藝加賀之諫力戰而死附以備考

小笠原與八郎氏興左京進春儀馬伏塚城主小笠原美濃

守○馬伏塚或作真蟲塚又作蛭蟪國音轉訛按小笠原家

譜左京進春儀移自馬伏塚為高天神城主而松榮紀事

書美濃守家譜無觀望氏真信玄兩將成敗未決適從神祖

美濃守者未詳命小笠原安元及其族大膳亮伊豫守二人招諭之安元往

高天神氏興欲屬信玄携質赴甲府遇諸塗安元諭使納款

與俱至岡崎神祖嘉其功加給采邑年譜家忠日記信玄將秋

山伯耆晴近年譜家忠日記松榮紀事晴近與甲陽軍鑑合蓋

改名也。今遣使久能城。招久野宗能。宗能不從。晴近怒陣于

平尾村。攻久能城。宗能據鼻淵淵拒之。先是神祖使酒井忠

次諭宗能。從懸川之役。故拒晴近之使。晴近乃移營于見付。

神祖使奧平道文監物貞昌子出羽守貞勝管沼伊豆守滿

直管沼新九郎正員等或作正員蓋誤與之鬪。不利。晴近

乘勝至引間。欲略遠州。乾城主乾或作大井國音相通天野宮内衛門

景貫藤内遠景之裔宮内衛門藤秀子引兵會晴近。神祖遣使責晴近曰。吾

在引間。欲平定遠州。汝何敢為梗。須速引去。不然吾將擊汝。

晴近懼。戢兵歸信州伊奈。久野宗能使其子千菊丸質於岡

崎。歸久能。神祖褒之。賜書授舊邑。別賜食邑於千菊丸。年譜家忠

日記松榮紀事 十二年己巳正月。神祖欲攻懸川城。自將八千餘騎。次吉田。

召諸將。諮軍謀。酒井忠次。石川家成。本多廣孝。植村家政。松

平彌左衛門。小栗仁右衛門等為前鋒。酒井正親。松平清宗。

松平家廣。加藤播磨守景元。平巖親吉。戶田因幡守。松井忠

次。按松井左近忠次。六年閏十二月賜松平氏。七年以後當書松平忠次。然同時有松平左近真乘。諸書似避其嫌。皆書

松井。今從之。管沼定盈等屬之。石川數正。本多忠真。其姪忠勝。天

野康景。高力清長等在麾下。内藤信成。本多重次。渡邊守綱。

神原彌兵衛等為軍監。命康景清長重次。下令三章。禁軍士

剽掠。神祖屯濱松橋輪之法華寺。時武田信玄攻小田原。與

此條氏康父子戰信玄軍于駿府。神祖以山岡半左衛門植村與左衛門為使。使謂信玄曰。今川氏真在懸川城。我拔之不難。然則以大井河為界。如前約。卿須取駿州。信玄諾曰。遠州卿須略而有之。豈敢倍約。神祖乃毀見付故城。浚隍崇垣。將逼懸川。氏真之將朝比奈兵衛尉守引間。○按兵衛大夫。然兵衛大夫前叛。氏真出奔。不應復為將。故從本書定為二人。百姓畏岡崎兵。縋負入城。幾三千人。流言參河大兵。充塞懸川引間。欲屠人民。故遁至此。兵衛尉大駭。八日棄城走入懸川城。諭百姓迎岡崎兵。神祖聞之。遣石川數正。天野康景於引間。灑掃城郭。綏撫百姓。移入引間城。十二日攻懸川城。前軍陣于桑田邑。後軍陣于曾

我山。小笠原氏興久野宗能陣于天王山。渡邊守綱本多重次。巡諸軍而合圍。城兵出戰。久野宗能攻金丸山。城兵日根野備中。弟彌二右衛門彌吉等善拒之。宗能敗。我兵救之。互多死傷。神祖怒其無功。十七日移營於天王山。松榮紀事二十日。氏真潛遣使於久野。八左衛門之營。勸其族。約夜來擊我軍。因啗以利。久野宗能弟淡路守宗益。佐渡守宗憲。叔父彈正忠宗政。及采女將監等。二人名關皆應之。招宗能勸叛。宗能不從。翌日。氏真又遣使刻期。約明夜襲營。宗益等議欲殺宗能立功。八左衛門以為宗能吾宗世嫡。委質岡崎。既定君臣之分。殺之不祥。乃執氏真之使。報宗能。宗能抵神祖之營。告狀。

神祖以松平與一忠正監物家次子植村家政菅沼定盈三宅康

貞為援守久能牙城宗能守羅城遂擊宗益殺之逐宗憲宗

政及采女將監年譜家忠日記德川記松榮紀事二十二日夜神祖策氏真

出兵以大須賀五郎左衛門康高千葉氏之裔父名關後賜松平氏為遠州橫須賀城主

主大久保忠世本多廣孝松井忠次水野忠重為將伏兵於

懸川城門側今川氏真不知久野宗益被殺夜深出兵襲營

伏起邀擊城兵拒戰黎明力屈而退內藤正成小阪新助大

久保忠佐尾擊入城日根野備中兄弟力戰禦之林藤左衛

門加藤孫二郎松下新介小林勝之助重真戰死按慶長十九年大

阪之役台廟槍奉行有小林勝之助正次蓋重真子或孫也未詳松井忠次之兵左右田與

平岡田竹右衛門石川新兵衛等提槍突戰敵兵多死者備

中從兵伊藤武兵衛先眾而進水野忠重揮槍縱殺之將取

首掠原次右衛門乞其首忠重許之次右衛門以為己功忠

重又擊大谷七十郎殺之大久保忠佐獲近松丹波首家忠日記

松榮紀事○松榮紀事諸士傳略並曰忠佐又殺敵一人使姪忠鄰取其首忠鄰時十七歲以非己功不肯進擊敵兵獲

首級按十一年堀川之戰忠鄰獲首級見上文此與本多忠勝事叔姪相類疑有傳聞之繆姑附此以待後攷水野

太郎作斬日根野彌吉內藤信成中銃而仆敵欲取其首內

藤家長射敵却之松平近乘松平伊忠內藤正成渡邊守綱

服部半藏正總後稱伊賀守○松榮紀事作正成今訂之挺眾力戰城兵伺間闖

門不出諸將斂軍而退年譜家忠日記松榮紀事二十三日城兵出陣于

天王山。長篠將菅沼左衛門貞景先登戰死。段嶺將菅沼刑部之族信濃守擊敵走之。松榮紀事二月。神祖欲休士馬。引兵歸

見付。使岡崎兵遮守河田村砦。使奧平貞能及菅沼之族守

笠町砦。久野宗能守久能砦。小笠原氏興守曾我山砦。家忠日記

松榮紀事神祖欲築城於鎌田原。使山本成行經營之。差役丁。遠

州土豪濱名肥前守賴廣。後藤佐渡守。氣賀土豪新田友作

等未服從。賴廣家士諫曰。家康為當時名將。濱松皆服。不如

速降。點丁供役。賴廣從之。勸佐渡守俱降。佐渡守騎而過營

前。神祖怒使殺之。賴廣懼罪亡去。其族大谷安藝守政賴與

弟金大夫賴次據濱名城阻命。神祖遣本多忠勝戶田忠次。

視濱名都筑二城。二人復命。二城皆據險要。攻之難輒拔。神

祖遣使諭之。二城降。使忠勝忠次戍濱名城。城兵多為其與

力。使本多信俊戍都筑城。佐渡守所據日比澤城兵亦降。忠

勝忠次往受之。新田友作失援。棄氣賀出奔。松榮紀事○本

自去年出屯遠州。神祖以定國界。遣使甲府。告其負約。正月

八日。信玄書到。答以如約。神祖以為晴近濡滯。則移兵攻之。

晴近恐懼。是月引兵入駿州。據本書。去年十二月。神祖責其

違約。晴近引兵歸信州。伊奈蓋十二月。神祖責晴近。遣使甲

府。而正月。信玄書到。晴近畏神祖加兵。留於

駿府。而歸伊奈也。本書析為二事。誤。故不書。三月五日。神祖

攻懸川城。前軍本多忠勝松平伊忠與城將朝比奈泰能三

浦監物戰。伊忠之兵石原十助向城門射敵中之。敵未離鞍。

放第二矢斃之。城將感其注矢迅速。載矢描金團扇。送于伊

忠之營。七日。大須賀康高、神原康政戰於西宿。管沼三九郎、
 斬笠原七郎兵衛、高橋傳七郎、斬朝比奈小三郎、松下加兵
 衛、斬管沼帶刀。本多正重、斬新谷小介。中山是非之助、斬伊
 藤左近。高力清長、斬粟飯原平左衛門。各獲首級。林傳四郎、
 吉勝射殺三騎。安松矢之助射敵多兵却之。管沼定盈奮戰。
 其兵管沼彌太郎、今泉甚助等與敵接槍。彦阪小作放箭多
 斃敵兵。本多康重年甫十六、擊敵殪之。其兵本多左馬助、吉
 見孫八郎及奧平貞能之兵名倉五郎作、揮槍力鬪。松平忠
 正管沼藤藏定政。兵部少輔定明子後各有戰功。城將泰能
 監物及笠原出羽守等拒戰不退。伊藤治部、伊藤掃部等將

校多死。遂敗走。凡斬城兵一百八十人。加藤市十郎正重以
 下。我兵死者六十餘人。大久保甚十郎被重創不能戰。熟視
 我兵善鬪者。備告主將。人服其勇。諸將乘勝列竹牌環而攻
 之城。兵乘船數艘到懸塚浦。欲邀我軍後。神祖使大須賀康
 高、神原康政、鳥居元忠急擊之。斬獲頗多。敵兵走舸遁去。家忠
日記、德川記、德川氏真度懸川城終不可保。遣朝比奈彌太
歷代、松榮紀事郎泰勝於石川家成、酒井正親之營乞和。泰勝右兵衛、泰雄
門子孫事神祖使淺原主殿謂小倉資久曰。我自幼受義元
水戶威公之扶助。素歸心於氏真。中為讒者構間。遂至交兵。邦人離叛。
 封疆日蹙。今以遠江全州之地與我。則與北條氏康協謀擊

退信玄使復駿府不然信玄取遠江亦如駿府氏真聞而然之乃遣資久於神祖之營齋誓書定約懸川形勝之地糧食

充叔神祖慮其反覆築砦數所使作手將與平貞能段嶺將

菅沼刑部長篠將菅沼正員據金丸山酒井忠次據河田村

小笠原氏興據小笠山○秦相行記曰小笠原與八郎居城高天神側有山曰小笠原山里民稱

小笠山據之小笠山即小笠原山也久野宗能據久能守之年譜家忠日記松榮紀事神祖

將還岡崎氣賀殘黨又起土寇相聚以尾藤主膳村山修理

為將內山黨○松榮紀事云稱給人百姓及祠官僧徒等麇集氣賀北吳

石邑有大川賊鑿隍湛其水為要害屯聚一千六百人謂之

堀川松榮紀事○按本書十一年三月尾藤主膳村山修理據堀川城然則堀川之稱非始于此蓋本書重復說見

下賊徒相議欲邀神祖歸路神祖不之知僅十七騎而過賊

見其兵寡不以為神祖及石川數正殿而過賊始覺之悔其

不出擊神祖發岡崎將兵攻之賊堅守不降小林權大夫戰

死地勢險隘難急攻自吉美邑取海路至宇布見邑陣于濱

松○松榮紀事曰陣于山後平松崎有古松今猶存俗稱御殿松堀川城枕海潮盈則賊乘

船出入潮退則巉巖峭壁陸路纔一面是日潮大落我軍齊

攻殺賊過其半森川氏俊有戰功神原康政先登被創平井

甚五郎大久保甚十郎小林平大夫重直等戰死十六人神

祖命諸將脅從百姓必不至為大亂不可屠戮赦殘黨六七

百人子孫今在氣賀鄉里神祖以石川數正季子半三郎正

俊鷲猛為宰治之。寇賊屏息。

松榮紀事。本書以正俊為數正弟。今從石川系圖。○年譜家忠

日記。松榮紀事。年譜附尾並云。十一年三月。攻堀川城。拔之。大久保甚十郎。平井甚五郎。小林平大夫等戰死。創業記。德

川記。德川歷代並係是年。與松榮紀事合。創業記一說。為去年三月七日事。然則諸書係去年三月者。亦有所從來。而松

榮紀事。戰死三人。及森川氏俊。武功皆疊出。然叙事詳悉。蓋有所據。故去年三月。攻堀川城。下。刪戰死人名。而書於此。雖

決非二事。而無所裁。是月。攻大澤基胤所據堀江城。以渡邊定。今並存。以俟後考。

圖書監之。松榮紀事曰。圖管沼定盈有戰功。近藤康用不被

甲。超隍乘城壁。鈴木重吉戰死。其子平兵衛重好嗣。時年十

二。神祖以其幼。使重吉弟權藏重俊代統其眾。松榮紀事。諸

後稱石見守。四月。基胤乞降。神祖聽之。給采邑如故。年譜家

紀事。松榮名基胤之臣中安兵部權田織部仕麾下。松榮今川氏

真猶懷狐疑。在懸川城。奧平貞能。其子九八郎信昌。後為美

說小倉資久。齋神祖誓書抵城。氏真意解。五月六日。自懸塚

浦浮舟而去。往相州小田原。代代記。作正月二十三日。蓋據

從家忠日記。德川北條氏康其婦翁也。遣兵迎之。神祖使松

平家忠護送至伊豆戶倉而還。家忠紀。伊守家廣子。見上文。

作若狹守。德川歷代作若狹守。康信大誤。今從家忠日記。松

榮紀事。○雜錄。今川義元戒氏真書略曰。今汝年既長。而不

循成人之度。徒愛鬪。鷄走狗。日為兒童之嬉。不學文。不講武。

其言皆驗矣。攷其年月。則氏康稱朝比奈泰能終始無貳。盡

忠氏真。以為人臣之法。善遇之。創業二十二日。神祖賜懸川

城于石川家成守之。先是神祖中分參河將士為二。以酒井

忠次石川家成為旗頭。西參河諸將松平左近真乘。和泉守親乘子。

松平三藏。島田平藏。松平信一。松平宮内。酒井正親。内藤金

一郎。○松榮紀事作喜一郎。按内藤家譜彌次右衛門平巖家長初稱金一郎。諸書作喜一郎。誤。今據此訂之。

親吉。鈴木喜三郎。小原越中守等屬家成。東參河諸將。松平

親次。松平内膳。松榮紀事本書名闕。○按與一郎忠正子家廣稱内膳。是時尚幼。其餘無稱内膳者。未詳。

松平源七郎康直。上野介康忠子。世稱長澤家後襲稱上野介。松平又八郎。○按伊忠家忠父子並稱松平清宗。松平家忠。松平彌九郎景忠。又八郎。未知為誰。

外記忠次子。設樂甚三郎。菅沼定盈。西鄉新太郎。松平丹波。○按系圖此時無稱丹波者。戶田虎千代賜松平氏在上文。長而任丹波守。蓋追書之也。奧平貞能。牧野新

二郎。○新二郎成定九年卒。在上文。蓋其子右馬允康成亦襲稱新二郎。此書其初稱也。鵜殿八郎三

郎等屬忠次。○按鵜殿八郎三郎康定七年戰及賜懸川城死于勝鬘寺。蓋其子也。今無所考。

于家成。命旗頭職於其姪數正。○松榮紀事姪作兄誤。今訂之。而家成及大

久保忠世。大須賀康高。松井忠次。不屬兩旗。常為遊軍。本多

廣孝。本多忠勝。鳥居元忠。神原康政。護衛麾下。松榮紀事神祖既

得遠江。是月率五六百騎。按行郡縣。武田信玄將山縣昌景

在駿府。帥三千餘騎過金谷。路遇神祖。下馬拜謁。見神祖兵

寡心動。託事忿言。欲急襲之。神祖覺之。退兵可五六町。據險

隘拒之。斬前進者七八騎。昌景知不可敵。引去。時人謂信玄

為與國之交。未幾倍約。曲在昌景。信玄聞之。憚世人譏議。遣

責昌景。將佐請原宥。乃釋之。年譜創業記家忠日記。德川記。松榮紀事。由是神祖

記。德川記。松榮紀事。由是神祖

記。德川記。松榮紀事。由是神祖

記。德川記。松榮紀事。由是神祖

記。德川記。松榮紀事。由是神祖

與信玄絕聞甲州之兵窺懸川城使松平清宗援石川家成

清宗家成之女壻也故命之清宗守西阪鹽井原之砦扼其

要路有戰功○西阪或作新阪日神祖褒之賜遠州三邑北

條氏康屯薩埵山日與信玄挑戰神祖乘其虛發兵駿府攻

城山縣昌景不能守棄城走○按去年十二月信玄燒府城

昌景守信玄以為前有小田原之兵後有岡崎之軍前後受

敵進退必危引兵還甲府氏康亦使諸將守蒲原大宮新田

善德寺興國寺中窪韭山新條深澤山中等十餘城還小田

原神祖與氏康議納氏真於駿府然城郭灰燼無地稅駕故

氏真在戶倉城使岡部正綱及弟治部右衛門修築府城家忠

日記松榮紀事六月神祖發兵攻遠州天方城榊原康政為前鋒攻

破郭門進入第二城天野康景擊敵被創大久保忠鄰力戰

有功城主山内山城乞降神祖聽之進攻飯田城拔之斬守

將山内大和年譜創業記家忠八月賞久野宗能之功賜嚮

所沒反黨宗族之舊邑武田信玄憤山縣昌景敗於駿府欲

再得之九月信玄大發兵先攻小田原城神祖使松平真乘

援懸川城十月信玄收兵還甲府與氏康兵戰於相州三增

敗之攻駿河伊豆數城拔之氏康諸將聞信玄寇相州各棄

所守城寨歸小田原欲拒之獨北條新三郎氏時新九郎長

子守蒲原城不去十一月信玄又發甲府徇駿豆之地軍聲

大振。十二月。欲攻駿府城。過蒲原城。氏時與之戰。敗死。信玄進攻駿府城。岡部正綱堅守不下。信玄啗以重利。誘之。正綱信之而降。信玄又取府城。分兵據榛原郡小山城。神祖率兵攻之。賞松平真乘戰功。賜隸小山八邑。吉永西島幸玉。藤窪山川舟市山梨二千貫地。家忠日記、松榮紀事、諸士傳略先是松平康俊拘幽甲府。是月。以伊賀謀伴勝永計。大風雪夜。醉飽守者。伺其怠。冒險逃歸岡崎。蹈雪靴痕。足指皆墮。家忠日記、松榮紀事、德川歷代、並無年月、年譜附尾係年月、蓋信玄出陣駿河、乘其間而逃歸也、今從之。

松井甲太郎書

烈祖成績卷之二終

